

den czins reichen und antworten dem sichenmeister, wer sichenmeister ist.  
Actum anno domini ut supra dominica die ante Urbani.

## 45.

1379 Mai 28

### ***Petzolt von Beyersdorf verkauft seinen Hof.***

*fol. 8r* Wisset das Peczolt von Beyerstorf hat vorkauft sin hof, der Renftels kinder gewest ist,<sup>a)</sup> hern Johannes des munches czu dem Buche und Gotczen, sins bruder, gewest ist, Hans Sperlinge recht und redelich vorkauft hat czu eyme rechten erbe und haben sich des hofes vor czigen vor gerichtes gehegeter bank und haben ym den ufgelassen mit allen rechten und haben sich ouch vorczigen allir der recht vorderunge und ansprache, dy sy an dem vorgenanten hofe gehabt haben. Ouch haben sy ire burgen und Peczolde von Beyerstorf und dy Gutelerin ledige und los gesait von des brifes wegen, den dy Gutelerin inne hatte und ufgegeben. Actum anno domini ut supra in vigilia pentecoste.<sup>1)</sup>

*a) über die Zeile geschrieben 1) Vgl. Nr. 11*

## 46.

1379 Juni 12

### ***Johannes und Cunrad Nideg verkaufen ein Stück Acker.***

*fol. 8v* Wisset daz her Johannes Nideg und Cunrad Nideg, sins bruder son, Cunczen Rudigers haben Teodor, unserme schriber, vorkauft eyn stücke ackers czu eyme rechten erbe, daz hinder Osterwin gelegin ist und von dem rate<sup>a)</sup> czu lehen get. Und der vorgenante Cunrad,<sup>b)</sup> des erbe der acker gewest ist, hat den vorgenanten acker uf gelassen, dem vorgenanten unserm schriber czu eyme rechten erbe und hat sich daran vorczigen aller der recht, dy her an dem acker gehabt hat, also daz her kein recht an dem selben acker nymmer mer gehalten sal noch gehalten mag.<sup>c)</sup> Des sint lykaufs lute gewest Hurilman, Nykel Hûg, Dith(rich) Hartlip, Peter Ūrbach, Peter Crympczawer, Michel Gorlicz. Actum anno domini M<sup>o</sup> CCC<sup>o</sup> LXXIX<sup>o</sup> dominica die post corporis Christi.

*a) folgt durchgestrichen get b) folgt durchgestrichen hat c) folgt durchgestrichen actum*